


Grad Novi Pazar
Skupština grada
Odbornička grupa SDA Sandžaka
Novi Pazar
18. decembar 2020. godine



**P R E D S J E D N I K U
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O ODRŽAVANJU POSEBNE SJEDNICE SKUPŠTINE GRADA NOVOG PAZARA U VEZI SA POVEĆANOM SMRTNOŠĆU GRAĐANA TOKOM 2020. GODINE**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 21. decembra 2020. godine.

Predsjednik odborničke grupe

Ahmedin Škrijelj

PRIJEDLOG

Na osnovu 14. Zakona o zaštiti stanovništva od zaraznih bolesti ("Službeni glasnik RS", broj 15/2016 il 68/2020), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 21. decembra 2020. godine, donosi

ODLUKU

O ODRŽAVANJU POSEBNE SJEDNICE SKUPŠTINE GRADA NOVOG PAZARA U VEZI SA POVEĆANOM SMRTNOŠĆU GRAĐANA TOKOM 2020. GODINE

Član 1.

Skupština grada Novog Pazara održaće posebnu sjednicu u vezi sa povećanom smrtnošću građana tokom 2020. godine.

Posebna sjednica Skupštine grada, iz stava 1. ovog člana, održaće se najkasnije do 31.12. 2020. godine.

Posebna sjednica Skupštine grada, iz stava 1. ovog člana, biće javna.

Član 2.

Posebnoj sjednici Skupštine grada, iz člana 1. stav 1. ove odluke, prisustvovaće:

- odbornici Skupštine grada;
- gradonačelnik i članovi Gradskog vijeća;
- članovi Štaba za vanredne situacije Grada Novog Pazara;
- direktori javnih preduzeća i ustanova;
- direktori i rukovodioci zdravstvenih ustanova sa teritorije grada Novog Pazara;
- do 3 (tri) predstavnika ljekara i drugog medicinskog osoblja koji su organizovano istupali u javnost i ukazivali na propuste u radu zdravstvenih ustanova u Novom Pazaru – potpisnika peticije;
- do 3 (tri) predstavnika organizatora građanskih protesta koji su kontinuirano organizirali proteste u vezi sa povećanom smrtnošću građana i radom Štaba za vanredne situacije grada Novog Pazara i zdravstvenih ustanova;
- do 5 (pet) predstavnika porodica građana Novog Pazara preminulih od posledica virusa COVID-19;
- mediji.

Sjednica Skupštine grada iz člana, 1. stav 1. ove odluke, prenosiće se uživo putem televizije i društvenih mreža.

Predstavnici zdravstvenih ustanova, građanskih aktivista, predstavnici ljekara i drugog medicinskog osoblja i predstavnici porodica preminulih imaju pravo učešća u diskusiji u skladu sa odredbama Poslovnika Skupštine grada ali bez prava glasanja.

Učesnici u diskusiji dužni su čuvati lično dostojanstvo svakog pojedinca.

Odstupanjem od stava 4. ovog člana gubi se pravo učešća na posebnoj Skupštini grada.

Član 3.

Obavezuju se:

- komadant Štaba za vanredne situacije grada Novog Pazara;
- direktori Zavoda za javno zdravlje Novi Pazar, Opšte bolnice Novi Pazar, Doma zdravlja Novi Pazar

da najkasnije 48 sati prije održavanja posebne sjednice Skupštine grada dostave sljedeće izvještaje i informacije uz dokaze odnosno dostavljanje potpisane i ovjerene službene dokumentacije:

- o razlozima povećane smrtnosti građana Novog Pazara i procentu učešća prenosivih zaraznih bolesti u ukupnoj smrtnosti na teritoriji Grada Novog Pazara počev od 15. marta 2020. godine;
- da li je vršena dnevna provjera kvaliteta vazduha, kvaliteta vode za piće iz sistema vodosnabdijevanja i higijensko – epidemiološke situacije na teritoriji Grada Novog Pazara počev od 15. marta 2020. godine;
- da li se za svakog primljenog bolesnika vodila i da li se vodi historija bolesti sa svim pratećim dijagnostičkim pokazateljima počev od 15. marta 2020. godine;
- da li je za svakog preminulog bolesnika porodici izdat pisani izvještaj sa pokazateljima i dokazima o uzroku smrti počev od 15. marta 2020. godine;
- da li je porodicama primljenih bolesnika koji su na liječenju ili su preminuli tokom liječenja bilo omogućeno redovno i zvanično informisanje o toku liječenja i uzroku smrti bolesnika počev od 15. marta 2020 godine;
- mjere koje je propisao i preduzeo Štab za vanredne situacije grada Novog Pazara od 15. marta 2020. godine i efekti tih mjera;
- da li je Štab za vanredne situacije redovno i na dnevnom nivou obavještavao javnost o broju primljenih i ukupno zbrinutih lica obolelih od zarazne bolesti;
- koje vojne formacije, kojih država i na čiji poziv su boravile u Novom Pazaru počev od 15. marta 2020. godine, kojim povodom i koje aktivnosti su preduzimali, koja hemijska i druga sredstva su koristili, na kojim lokacijama i uz čiju dozvolu;
- izvještaj o primljenim donacijama i postupanju sa primljenim donacijama.

- o razlozima za ukidanje 20. maja 2020. godine i ponovno uvođenje vanredne situacije 25. juna 2020. godine.

Izveštaji, čije je dostavljanje propisano ovim članom dostaviće se svim pozvanim učesnicima na sjednici i staviće se na uvid javnosti objavljivanjem na zvaničnoj internet stranici Grada Novog Pazara.

Član 4.

Skupština grada Novog Pazara, na osnovu podnijetih izvještaja i rasprave na posebnoj sjednici, usvojiće zaključke.

Pravo predlaganja zaključaka imaju svi pozvani učesnici na posebnoj sjednici.

Član 5.

Odluku objaviti u "Službenom listu grada Novog Pazara".

SKUPŠTINA GRADA NOVOG PAZARA

Broj:

U Novom Pazaru, 21. decembra 2020. godine

PREDSJEDNIK
Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke je sadržan je u: članu 14. Zakona o zaštiti stanovništva od zaraznih bolesti;

- članu 147. Statuta grada Novog Pazara;
- članu 137. Poslovnika Skupštine grada Novog Pazara.

Razlozi za donošenje odluke:

Na osnovu odgovornosti lokalne samouprave da upravlja poslovima od neposrednog, zajedničkog i opšteg interesa za lokalno stanovništvo, odgovornosti koju nosi za opšte stanje u gradu proizilazi obaveza Skupštine grada Novog Pazara da na posebnoj i javnoj sjednici, uključivši sve zainteresovane strane, raspravlja o razlozima povećane smrtnosti građana i postupanjem nadležnih institucija i organizacija po ovom pitanju.

Razlozi za donošenje ove odluke odnosno održavanje posebne sjednice Skupštine grada sadržani su u činjenicama da do danas nepostoje zvanični podaci o razlozima povećane smrtnosti niti informacija o broju preminulih počev od 15. marta 2020. godine.

Javnost do danas nije upoznata o efektima uvedenih i preduzetih mjera o strane štaba za vanredne situacije Grada Novog Pazara, postupanju i tretmanu prema pacijentima, razlozima boravka srpskih vojnih formacija i vojnih formacija drugih država, stanju zdravstvenog sistema u Novom Pazaru tokom trajanja vanrednog stanja i vanredne situacije, kao i o drugim pitanjima od značaja za život i zdravlje građana, što sve skupa predstavlja razlog za održavanje posebne sjednice Skupštine grada ovim povodom.

Objašnjenje pojedinačnih rješenja propisanih ovom odlukom:

Član 1: Utvrđena je obaveza održavanja posebne sjednice Skupštine grada Novog Pazara u vezi sa povećanom smrtnošću građana tokom 2020. godine, utvrđen je rok do koga se ista mora održati te je propisano da ta sjednica bude javna.

Član 2: Ovim članom odluke utvrđena su lica koja će prisustvovati posebnoj sjednici Skupštine, obaveza prenošenja uživo putem televizija i društvenih mreža te pravila koja će se primjenjivati tokom rada posebne sjednice Skupštine grada.

Član 3: Članom 3. odluke propisana je obaveza dostavljanja izvještaja nadležnih i odgovornih lica i institucija, sadržina tih izvještaja te obaveza da se navedeni izvještaji učine dostupnim javnosti.

Član 4: Utvrđena je obaveza usvajanja zaključaka i definisani su ovlašćeni predlagači zaključaka.

Član 5: Propisana je obaveza objavljivanja ove odluke u „Službenom listu grada Novog Pazara“.

Finansijska sredstva za sprovođenje ove odluke nisu potrebna.

